

GODINA: XVII

BROJ: 267

DATUM: 25.09.2020.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za financijska pitanja
fax: + 387 33 552 810
gregor.jurismic@sogfbih.ba

Sadržaj biltena:

Održana 12. redovna sjednica
Predsjedništva Saveza

Radionica - Implementacija
Benčmarkinga pomoću DCM plat-
forme

Vlada FBiH usvojila inicijativu za
izradu novog zakona o zaštiti i
spašavanju i izradu uredbe o cije-
nama vodnih usluga

Vlada FBiH utvrdila nacrt zakona o
izmjenama i dopunama Zakona o
načelima lokalne samouprave

Općina Stari Grad Sarajevo uvela
u praksu razgovor sa građanima
na otvorenom

Novčani dar Općine Jajce za svaku
novorođenu beb

Općina Bosanska Krupa i MEG
projekat dodjeljuju 80.000KM
poticajnih sredstava privatnom
sektoru

Online kurs "Uvod u rodnu
ravnopravnost na lokalnom nivou"

Predstavljena knjiga "Menadžment
u javnom sektoru"

NAJAVA održavanja javne
rasprave o Nacrtu zakona o
građevinskom zemljištu

NAJAVE obilježavanja dana općina
i gradova za mjesec oktobar /
listopad i bitni datumi za Savez

Bilten Saveza općina i gradova Federacije Bosne i Hercegovine

ODRŽANA 12. REDOVNA SJEDNICA PREDSJEDNIŠTVA SAVEZA



23.09.2020. godine u Sarajevu je održana Dvanaesta sjednica Predsjedništva Skupštine Saveza općina i gradova Federacije BiH, na kojoj je, između ostalog, rezimiran rad u prethodnom periodu.

Bilo je riječi o načinu raspodjele transfera jedinicama lokalne samouprave iz Budžeta Federacije Bosne i Hercegovine. Istaknuto je da je Vlada Federacije BiH djelimično uvažila prijedlog Saveza tako što je od ukupnog iznosa od 30 miliona KM, transferiranog iz Budžeta FBiH za jedinice lokalne samouprave, dio transfernih sredstava (10 miliona KM- trećina ukupnog iznosa) podijelila po principu solidarnosti u jednakom iznosu od po 125.000 KM svakoj jedinici lokalne samouprave na ime finansijske pomoći lokalnim budžetima u sanaciji posljedica nastalih uslijed proglašene pandemije COVID-19, dok je 20 miliona KM podijeljeno općinama i gradovima putem javnog poziva za sufinansiranje različitih lokalnih infrastrukturnih projekata. Predsjedništvo je mišljenja da je ovo dobar način raspodjele, te da se može konstatovati da je uspostavljen dobar dijalog sa Vladom FBiH po ovom pitanju.

Članovi Predsjedništva su informisani da je u toku izrada Analize utjecaja pandemije koronavirusa na socioekonomski i finansijski položaj jedinica lokalne samouprave u FBiH, pri čemu je naglašeno da je pandemija koronavirusa značajno pogodila lokalni nivo vlasti u FBiH i dodatno oslabila finansijsku poziciju jedinica lokalne samouprave u FBiH.

Predsjedništvo je, također, informisano o mogućnosti upostave finansijskog mehanizma za razvoj, procesu izrade novog Strateškog plana Saveza, te o dokumentu okvirne politike "Unaprjeđenje vodnih usluga gradova i općina Federacije Bosne i Hercegovine".

Članovima Predsjedništva su predstavnici kompanije Comtrade System Integration d.o.o. Sarajevo predstavili mogućnost uspostave partnerstva ove kompanije s općinama i gradovima u FBiH.



Najavljen je i nastavak održavanja radionica za jedinice lokalne samouprave o Nacrtu Zakona o građevinskom zemljištu koje Savez organizuje u saradnji sa Federalnom upravom za geodetske i imovinsko-pravne poslove. Prva radionica je održana u Mostaru, a preostale su planirane za Sarajevo, Tuzlu i Bihać.

Na kraju sjednice, uručene su zahvalnice članovima Predsjedništva Saveza, Nadzornog odbora i drugih organa SOGFBiH za savjesno i odgovorno vršenje dužnosti za period 2017. - 2020. godina.

RADIONICA - IMPLEMENTACIJA BENČMARKINGA POMOĆU DCM PLATFORME



U sklopu projekta „Podrška Saveza općina i gradova FBiH - programu prikupljanje podataka preduzeća za vodosnabdjevanje i odvodnju FBiH i njihovog korištenja za potrebe poređenja učinkovitosti, te razmjene znanja i informacija putem Danubis platforme - BENČMARKING" u Bihaću je 16. i 17. septembra održana radionica na temu Benčmarkinga sa predstavnicima 5 vodo- vodnih preduzeća.

Učešćem u ovim aktivnostima vodo- vodna preduzeća dobijaju priliku da procijene vlastitu

učinkovitost koristeći jednostavne i praktične alate u sklopu Danubis platforme.

Ovo će vodo- vodnim preduzećima i njihovim vlasnicima (općine i gradovi) omogućiti da identifi- raju područja u kojima uspješno djeluju, kao i ona područja u kojima su potrebna poboljšanja. Nadalje, benčmarking program pruža mogućnost usporedbe učinkovitosti između drugih lokalnih ili međunarodnih vodo- vodnih preduzeća i razmjenu dobrih praksi. Konačno, ispravno prikupljeni podaci o indikatorima učinkovitosti su preduvjet za uspješnu saradnju preduzeća s relevantnim vladinim institucijama, donatorima, razvojnim i komercijalnim bankama, međunarodnim organi- zacijama, organizacijama civilnog društva i javnošću. U novoj fazi Benčmarkinga, koja će trajati do kraja 2020. godine, planirano je učešće 15 preduzeća.

Ove aktivnosti su podržane od Projekta općinskog ekološkog i ekonomskog upravljanja (MEG) koji je dio Programa saradnje Švicarske u Bosni i Hercegovini (BiH), u domenu Lokalne uprave i općinskih usluga, a realizira ga Razvojni program Ujedinjenih nacija u BiH (UNDP).



VLADA FEDERACIJE BIH USVOJILA INICIJATIVU ZA IZRADU NOVOG ZAKONA O ZAŠTITI I SPAŠAVANJU I IZRADU UREDBE O CIJENAMA VODNIH USLUGA

SARAJEVO, 24.09.2020. - Federal- na vlada danas je na 237. sjednici koja je održana u Sarajevu pri- hvatila inicijativu premijera FBiH za pokretanje aktivnosti na izradi no- vog Zakona o zaštiti i spašavanju ljudi i materijalnih dobara od pri- rodni i drugih nesreća. Za pokre- tanje aktivnosti Vlada je zadužila Federalnu upravu civilne zaštite, u saradnji s kantonalnim i lokalnim nivoima vlasti, te Savezom općina i gradova u FBiH, a rok za dostavu Prednacrt zakona o zaštiti i spašavanju ljudi i materijalnih do- bara od prirodnih i drugih nesreća je 90 dana.



Sa sjednice Vlade Federacije Bosne i Hercegovine

Kako je obrazloženo, Zakon o zaštiti i spašavanju ljudi i materijalnih dobara od prirodnih i dru- gih nesreća donesen je 2003. godine i do danas je dva puta izmijenjen i dopunjen.

U uslovima pandemije izazvane koronavirusom, iskustvo pokazuje da je potrebno ojačati sprem- nost za efikasniji odgovor na katastrofe i osigurati postojanje kapaciteta za efikasan oporavak. Učinci prirodne i druge nesreće proizvode direktne i indirektne posljedice po život i zdravlje ljudi, materijalna dobra i društvenu zajednicu u cijelosti.

Vlada je zadužila Federalnu upravu civilne zaštite, da u saradnji s kantonalnim i lokalnim nivoima vlasti, te Savezom općina i gradova u FBiH, izradi prednacrt Zakona i dostavi ga u roku od 90 dana.

Štetni uticaji često ne mogu biti spriječeni u potpunosti, ali njihova razmjera ili ozbiljnost može biti znatno umanjena ili ograničena različitim aktivnostima. U interventnim mjerama pomoći redovno se u više sektora pojavljuju ozbiljni problemi, na koje u periodu priprema za zaštitu i spašavanje u okviru područja prevencije, pripravnosti/spremnosti, treba obratiti izrazitu pažnju. Riječ je o nepostojanju ili neusklađenosti planova ili konceptualnih resursa i logističkih centara, funkcionalno neizgrađenoj pripravnosti/spremnosti, te pravnim, organizacijskim i tehničkim nedostacima kod upozoravanja na opasnosti. Organizovanost civilne zaštite i dostignuti stepen zaštite i spašavanja od prirodnih i drugih nesreća u Federaciji BiH ukazuje na nezadovoljavajuću ocjenu, posebno u dijelu koji se odnosi na usklađenost djelovanja svih nivoa vlasti.

Stoga je, s ciljem uspostavljanja što efikasnijeg sistema za adekvatan odgovor u situacijama prirodnih i drugih nesreća, koji će podrazumijevati sinhronizirano postupanje svih nivoa vlasti u FBiH, potrebno pristupiti izradi novog Zakona o zaštiti i spašavanju ljudi i materijalnih dobara od prirodnih i drugih nesreća.

PRIPREMITI UREDBU O CIJENAMA VODNIH USLUGA

S ciljem otklanjanja brojnih i već dugo prisutnih nedostataka u pružanju usluga vodosnabdijevanja, kanalizacije i prečišćavanja otpadnih voda u jedinicama lokalne samouprave u Federaciji BiH, hitno je potrebno, pored osiguranja sredstava za ulaganje u izgradnju i obnovu vodno-komunalne infrastrukture, donijeti regulativu za uvođenje cijena vodnih usluga koje će pokrivati stvarne troškove javnih komunalnih preduzeća, navedeno je u informaciji koju je Federalno ministarstvo poljoprivrede, vodoprivrede i šumarstva pripremilo za današnju sjednicu Vlade FBiH.

U svim planskim dokumentima u oblasti voda i okoliša u BiH identifikovano je nezadovoljavajuće stanje vodnih usluga i potreba za preduzimanje mjere za njihovo unaprjeđenje zbog zadovoljenja potreba stanovništva, privrede i ukupnog razvoja. Provođenje tih mjera potrebno je radi usklađivanja sa zahtjevima Europske unije i smanjenja negativnih uticaja naselja i privrede na stanje voda i ukupnog okoliša.

Utvrđeno je, također, da su cijene vodnih usluga neadekvatne, te se ističe potreba uspostave pravnog i regulatornog okvira za održive vodne usluge na nivou Federacije BiH prije pokretanja novih investicionih mjera. Time bi bile izbjegnute situacije u kojima se investicije u vodnu infrastrukturu poslije izgradnje ne koriste zbog nedostatka sredstava i kapaciteta za njihovo adekvatno održavanje.

Vlada je danas zadužila Federalno ministarstvo poljoprivrede, vodoprivrede i šumarstva da izradi Prijedlog uredbe o metodologiji utvrđivanja najniže osnovne cijene vodnih usluga u FBiH, kako bi bilo postignuto optimalno upravljanje vodno-komunalnim sektorom.

Ovo ministarstvo treba i da formira radnu grupu od relevantnih federalnih organa koja će, zajedno s predstavnicima međunarodnih razvojnih partnera (EU, Svjetska banka, UNDP, ambasade Švedske i Švicarske i drugi) koji godinama ulažu u razvoj i obnovu vodovodne infrastrukture u BiH, raditi na pripremi programa unaprjeđenja vodnih usluga u Federaciji BiH. Time bi bili ispunjeni preduslovi za punu implementaciju vodno-komunalnih direktiva EU i osigurana održivost kapitalnih ulaganja u ovaj sektor, a sve uz poštovanje principa po kojima si stanovništvo to može priuštiti.

VLADA FBIH UTVRDLA NACRT ZAKONA O IZMJENAMA I DOPUNAMA ZAKONA O NAČELIMA LOKALNE SAMOUPRAVE

Vlada Federacije BiH je, 17.09.2020. godine, na 236. sjednici u Sarajevu, utvrdila i u parlamentarnu proceduru uputila Nacrt zakona o izmjenama i dopunama Zakona o načelima lokalne samouprave u Federaciji BiH.

Jedan od razloga za izmjene i dopune je što postojeći Zakon predviđa uzajamnu mogućnost tijela jedinice lokalne samouprave usmjerenu ka zahtjevu za preispitivanjem odluke ili akta za koji se smatra da je neustavan ili nezakonit. U slučaju nepostizanja istovjetnog stava na nivou jedinice lokalne samouprave predviđen je postupak preispitivanja pred zakonom nepreciziranim nadležnim tijelom. Time nastaje pravna praznina koja stvara teškoće u dosadašnjoj primjeni Zakona.

Nova rješenja popunjavaju tu pravnu prazninu i stvaraju uslove za otklanjanje eventualnih blokada u radu tijela jedinice lokalne samouprave. Prema novoj odredbi, nadležno tijelo za preispitivanje odluke vijeća, odnosno načelnika/ce je tijelo koje je nadležno za nadzor nad primjenom zakona koji je povrijeđen. Ukoliko u zakonu koji je povrijeđen nije naznačeno tijelo za nadzor nad primjenom zakona, nadležno tijelo je kantonalno, odnosno federalno ministarstvo nadležno za oblast lokalne samouprave, u ovisnosti od toga je li povrijeđen kantonalni ili federalni zakon.

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://euinfo.ba/en/>
www.balkanfund.org
<https://eacea.ec.europa.eu>
www.welcomeurope.com

Vlada je zadužila
Federalno ministarstvo
poljoprivrede,
vodoprivrede i
šumarstva da izradi
Prijedlog uredbe o
metodologiji
utvrđivanja najniže
osnovne cijene vodnih
usluga u FBiH, kako bi
bilo postignuto
optimalno upravljanje
vodno-komunalnim
sektorom.



Novine se odnose i na mjesne zajednice, a cilj je postizanje neophodnog minimuma jednoobraznosti na nivou FBiH, te preciznije definiranje tijela mjesne zajednice, poslova koje obavljaju, ovlaštenih podnositelja inicijative za osnivanje mjesne zajednice, sadržine akata koji se odnose na rad mjesne zajednice kao i izvora finansijskih sredstava. Zbog potrebe uvođenja veće povezanosti mjesnih zajednica s jedinicom lokalne samouprave predloženo je formiranje Kolegija mjesnih zajednica.

OPĆINA STARI GRAD SARAJEVO UVELA U PRAKSU RAZGOVOR SA GRAĐANIMA NA OTVORENOM



Razgovor načelnika Općine Stari Grad Sarajevo sa građanima

STARI GRAD SARAJEVO, 7. septembar

- Na višenamjenskom trgu prekoputa Vijećnice održan je općinski 'Prijem stranaka na otvorenom', a službe, na čelu sa pomoćnicima načelnika su se danas stavile na raspolaganje građanima mjesne zajednice Babića bašča. Naime, kako je na snazi ograničeno kretanje stranaka unutar općinske zgrade, a usljed higijensko-epidemioloških mjera koje se provode, općinske službe približit će se građanima kroz ovakve susrete i razgovore koji će biti održani u svih šesnaest mjesnih zajednica Starog Grada. Na ovaj način postiže se

otvorena komunikacija sa građanima, te im se pruža mogućnost da na licu mjesta riješe neke od svojih problema.

I danas su se događaju pridružili općinski načelnik mr Ibrahim Hadžibajrić i sekretarka organa državne službe mr Alma Destanović koji su se zanimali za probleme građana, ali i za odgovore i ekspeditivnost službi koje su učestvovala u projektu.

"Moj dugogodišnji rad na čelu Općine Stari Grad se uvijek bazirao na direktnom kontaktu sa građanima Starog Grada, stoga ovo nije nikakav pretjerani novitet, već samo prilagođavanje novonastaloj situaciji," izjavio je načelnik Hadžibajrić.

Na pitanja građana, danas su odgovarali rukovodioci Općinskih službi: Selma Velić pomoćnica načelnika za lokalni razvoj i poslove mjesnih zajednica sa svojim saradnicima, Adis Hadžović, pomoćniku načelnika za investicije i komunalne poslove, Aldiana Kavazović pomoćnica načelnika za privredu, Amela Kulaglič-Herco pomoćnica načelnika za urbanizam, Heni Erdoan Česir pomoćnik načelnika za opću upravu i inspekcijske poslove, Safija Šehović pomoćnica načelnika za boračko-invalidsku i socijalnu zaštitu, Almedina Porča pomoćnica načelnika za odnose s javnošću i informacioni sistem, Lejla Dizdarević pomoćnica načelnika za obrazovanje, kulturu i sport i po ovlaštenju pomoćnica za civilnu zaštitu i Adela Plakalo po ovlaštenju pomoćnica načelnika za imovinsko-pravne, geodetske poslove, katastar i stambene poslove.

NOVČANI DAR OPĆINE JAJCE ZA SVAKU NOVOROĐENU BEBU

Općina Jajce već petu godinu izdvaja sredstva za svaku novorođenu bebu. U 2020. godini, ova stimulacija za višečlane porodice je uvećana, pa tako prvo dijete Općina Jajce daruje sa 500 KM, drugo sa 700 KM, a treće i svako naredno sa po 1.000 KM. U tu svrhu, u prvih osam mjeseci ove godine, izdvojeno je gotovo 55.000 KM, a rođeno je 80 beba.

S početka 2016. godine, kada je Općinski načelnik Edin Hozan inicirao ovu aktivnost, pa do kraja 2019. godine, Jajce je postalo bogatije za 693 bebe koje su darovane novčanim darom u vrijednosti od po 500 KM. Tako je iz Općinskog budžeta, kao jednokratna pomoć porodiljama, u četiri godine izdvojeno ukupno 346.500 KM.

Jednokratna novčana naknada odnosi se, bez izuzetka, na sve novorođene bebe čija majka ima prebivalište na području Jajca, a od 2016. godine do danas, u svrhu podrške novorođenim bebama Općina Jajce izdvojila je ukupno 400.900 KM.



Grb Općine Stari Grad Sarajevo

Kako je na snazi ograničeno kretanje stranaka unutar općinske zgrade, a usljed higijensko-epidemioloških mjera koje se provode, općinske službe približit će se građanima kroz ovakve susrete i razgovore koji će biti održani u svih šesnaest mjesnih zajednica



Grb Općine Jajce

OPĆINA BOSANSKA KRUPA I MEG PROJEKAT DODJELJUJU 80 HILJADA KM POTICAJNIH SREDSTAVA PRIVATNOM SEKTORU



Sa potpisivanja ugovora sa MEG projektom, 08.05.2018.

Općina Bosanska Krupa 2.09.2020. godine objavila je Javni poziv za dodjelu poticajnih sredstava privatnom sektoru. Ukupni fond za poticaje iznosi 80.000 KM i zajednički ga obezbjeđuju Općina Bosanska Krupa i Projekt općinskog okolišnog i ekonomskog upravljanja (MEG), kojeg podržava i finansira Vlada Švajcarske, a sprovodi Razvojni program Ujedinjenih nacija u Bosni i Hercegovini – UNDP BiH.

Cilj Javnog poziva je poboljšanje

poslovnog okruženja i povećanje konkurentnosti domaćih privrednika na tržištu što će doprinijeti i povećanju stope zaposlenosti i ekonomskom razvoju općine Bosanska Krupa.

Poticaji su namijenjeni pravnim licima koja se bave proizvodnom djelatnosti, kao i poslodavcima koji imaju registriran vezani obrt, posebni obrt, srodne djelatnosti ili tradicionalne i stare zanate, registrirane kao fizička lica koji su registrirani odnosno imaju sjedište na području općine Bosanska Krupa, pod uslovom da nisu bili korisnici poticajnih sredstava u okviru javnog poziva/MEG projekta iz 2018. i 2019. godine.

Poticaj se odobrava za tehnološko unapređenje i povećanje proizvodnih kapaciteta postojećih privrednih subjekata kroz nabavku novih mašina, opreme i/ili alata, uz obavezu učešća poslodavca minimalno 10% od ukupne vrijednosti projekta i zapošljavanja minimalno jednog nezaposlenog lica. Maksimalan iznos po aplikantu je 10.000 KM.

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ONLINE KURS „UVOD U RODNU RAVNOPRAVNOST NA LOKALNOM NIVOU“

NALAS (Mreža asocijacija lokalnih vlasti Jugoistočne Evrope) i Savez općina i gradova FBiH organiziraju online kurs “Uvod u rodnu ravnopravnost na lokalnom nivou”.

Kurs će se provoditi u periodu od pet sedmica, od 12.10. – 15.11.2020. godine.

Kurs započinje uvodnim webinarom koji će objasniti kako će se kurs provoditi. Biće predstavljen tim kursa koji će dati smjernice na temu.

Tokom trajanja kursa polaznici će koristiti moderne, interaktivne mrežne alate za učenje, kao što su: studije slučaja, čitanja, video snimci, kvizovi, zadaci, forumi za diskusiju, itd. Proces učenja olakšava moderator kursa.

Kurs je na engleskom jeziku i besplatan je.

Nakon uspješno završenog kursa, učesnici je debiti sertifikat.

Prijave se vrše putem Saveza općina i gradova FBiH sa krajnjim rokom do 29.09.2020. godine.

Za sve detaljnije informacija kontakt osoba je Mirela Čaušević, mirela@sogfbih.ba





NAJAVA ODRŽAVANJA JAVNE RASPRAVE O NACRTU ZAKONA O GRAĐEVINSKOM ZEMLJIŠTU

Na 4. sjednici Doma naroda Parlamenta Federacije BiH, održanoj 19.12.2019. godine i 10. sjednici Predstavničkog doma Parlamenta Federacije BiH, održanoj 29.01.2020. godine utvrđen je Nacrt Zakona o građevinskom zemljištu i donesen je zaključak da se o ovom Nacrtu provede javna rasprava.



Sa Javne rasprave održane u Mostaru, 11.03.2020. godine

S tim u vezi, Savez općina i gradova Federacije BiH je, u saradnji sa Federalnom upravom za geodetske i imovinsko-pravne poslove, dogovorio organizaciju četiri javne rasprave za jedinice lokalne samouprave na kojima će biti predstavljen i razmatran ovaj Nacrt.

Predviđeno je da učesnici javnih rasprava budu predstavnici jedinica lokalne samouprave i nadležni kantonalni organi.

Prva javna rasprava održana je u Mostaru 11.03.2020. godine, dok će se druga održati 30.09.2020. godine u Sarajevu, Hotel „Malak Regency“ Hrasnička cesta bb, Ilidža sa početkom u 11.00 h.

Preostale dvije rasprave održaće se u Tuzli i Bihaću tokom oktobra.

Uvod o Nacrtu zakona o građevinskom zemljištu će dati Goran Brkić, pomoćnik direktora u Sektoru za imovinsko-pravne poslove i opće poslove u Federalnoj upravi za geodetske i imovinsko-pravne poslove.



FGU
Federalna uprava za geodetske i imovinsko-pravne poslove



PREDSTAVLJENA KNJIGA „MENADŽMENT U JAVNOM SEKTORU

Na Fakultetu za upravu UNSA 24. septembra 2020. godine održana je promocija knjige „Menadžment u javnom sektoru“ autora doc. dr. Đevada Šašića.

U knjizi autor se bavi problematikom organizacije javnog sektora naročito sa aspekta jedinica lokalne samouprave koje prati veliki broj nadležnosti, među kojima je značajan broj prenesenih pa čak i podijeljenih između različitih nivoa vlasti.

Autor predstavlja savremeni koncept menadžmenta koji se koristi u javnom sektoru razvijenih zemalja, kao što je CAF, BSC, ISO, BFC, koji može da služi kao vodič za lakše upravljanje u kontekstu naših prilika.

Dr Šašić od 2011. godine radi na Fakultetu za upravu Univerziteta u Sarajevu na pozicijama asistenta na naučnoj oblasti „Teorijska ekonomija“, višeg asistenta na naučnoj oblasti „Menadžment javnog sektora“, te od februara 2018. godine docenta na naučnoj oblasti „Menadžment javnog sektora“. Istovremeno je obaljšao i funkciju Menadžera Ureda za kvalitet na Fakultetu, a od oktobra 2019. godine je i prodekan za nastavu i studentski standard.



NAJAVE OBILJEŽAVANJA DANA OPĆINA I GRADOVA ZA MJESEC OKTOBAR / LISTOPAD I BITNI DATUMI ZA SAVEZ

28. septembar/rujan - Dan Grada Livno. Najstariji pisani dokument u kojem se spominje Livno je Povelja kneza Mutimira od 28.09.892. godine kojom se Crkva sv. Jurja daruje splitskom nadbiskupu Petru II, u kojoj se među potpisnicima u listi svjedoka na drugom mjestu nalazi i livanjski župan Želimir. Ovaj datum se danas obilježava kao Dan Općine Livno.



01. oktobar/listopad - Dan Općine Gornji Vakuf – Uskoplje. Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.



02. oktobar/listopad - Dan Grada Tuzla. Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na




Pratite Savez općina
i gradova FBiH na



- **04. oktobar/listopad - Dan Grad Čapljina** i ujedno Dan Sv.Franje – zaštitnika župe Čapljina.
- **10. oktobar/listopad - Dan Općine Sanski Most.** Navedenog datuma 1995. godine oslobođeno je područje općine Sanski Most.
- **14. oktobar/listopad - Dan Općine Žepče.** Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću.
- **22. oktobar/listopad - Dan Grada Gradačac.** Tog dana u odbrani Gradačca 1992. godine zaustavljen je „Oklopni voz“ na prilazu gradu.
- **23. oktobar/listopad - Dan Općine Orašje.** Tog dana 1992. godine oslobođeno je selo Vidovice u oraškoj općini.
- **15. oktobar/listopad, Sačinjena Evropska povelja o lokalnoj samoupravi** – U Strazbourgu je 15.10.1985. godine sačinjena Evropska povelja o lokalnoj samoupravi, u originalu na engleskom i francuskom jeziku.
- **21. oktobar/listopad – Ratifikovana Evropska povelja o lokalnoj samoupravi.** Vlada Republike Bosne i Hercegovine je 21.10.1994. godine donijela Uredbu o ratifikaciji Evropske povelje o lokalnoj samoupravi (V broj 174/94). Uredbu je potpisao predsjednik Vlade Republike Bosne i Hercegovine dr.Haris Silajdžić, a objavljena je u "Službenom listu RBiH", br.31 od 03. 11.1994. godine.




Sanski Most



Čapljina



Žepče



Gradačac



Orašje

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, .

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efkasan način komuniciranja.

Sa zadovoljstvom očekujemo vaše komentare, sugestije ili primjedbe.